



Eni Timor 22-23 B. V.

Avenida 20 de Maio, No. 9, Colmera, Dili, Timor-Leste

Avizu ba Enkontru Públiku

Dekretu Lei No. 39/2022 de 8 Juñu, 1ª alterasaun ba Dekretu Lei No. 5/2011 de 9 Feveireiru kona ba Lisensiamentu Ambientál

Konsultásaun Públika kona ba Esbosu Deklarasaun Impaktu Ambientál Simplifikada no Esbosu

Planu Jestáun Ambientál

(Aneksu IV husi DM No. 47/2017 de 2 de Agostu)

**9 Maio 2025 husi 08:00 to'o 15:00 lokraik
Timor Plaza (Maubara Room), Dili, Timor-Leste**

Levantamentu Sízmiku Mariña

Bloku Explorasaun Kontratu Fahe Produsaun (PSC) TL-SO 22-23

1. Proponente: **Eni Timor 22-23 B. V.**
2. Lokalizaun ba projetu ne'ebé propoin: Levantamentu Sízmiku Mariña lokaliza iha Tasi Timor, kuaze 175km husi kosta sudeste Timor-Leste no maizoumenus 300km sudeste husi Dili, Timor-Leste.
3. **Eni Timor 22-23 B. V.** hanesan operador ba Kontratu Fahe Produsaun (PSC) TL-SO 22-23 iha planu atu halo levantamentu sízmiku mariña, hanesan komitmentu iha faze initial atividade explorasaun nian iha bloku refere. Área ba levantamentu sízmiku ne'e maizoumenus rihun 1.5 kilómetru kuadradu, 1,500km² (50km x 30km) lokaliza iha Plataforma Sahul ho tasi nia klean maizoumenus 40 to'o 80 metrus. **Eni Timor B. V.** propoin atu halo levantamentu dadus sízmiku iha area refere ho durasaun to'o semana sanulu entré fulan Julhu no Setembru 2025 nia laran. Levantamentu sízmiku ne'e hala'o iha 24 oras nia laran, no iha possibilidade la halo operasaun temporariamente iha eventu wainhira kondisaun tasi ladiak ka iha eventu seluk ne'ebé la favorabel ba atividade operasaun. Levantamentu sízmiku ne'e sei hala'o utiliza ró espesializada sízmiku nian ne'ebé sei dada kabu reseptor sira (streamers ne'ebé kompostu husi hidrofone sira) no fonte de onda sira (sources) iha superfisiu tasi nian. Fonte de onda sira ne'e sei kria onda sonora (sound waves) ne'ebé sei pasa liu husi bee hafoin refleta husi tasi okos no kamada fatuk sira iha rai okos (subsurface rock layers) no sei rekorda husi hidrofone sira ne'ebé aneksa iha kabu reseptor sira (streamers). Objetivu husi levantamentu data sízmiku ne'e hodi halo imajen no identifika estrutura jeolójiku rai okos (surburface) nian iha atividade explorasaun ba idrokarbonetu. Dadus husi levantamentu ne'e sei prosesa hodi prodús imajen sízmiku sira iha dimensaun tolu (3D) ne'ebé sei interpreta hodi kria mapa jeolójiku sira no identifika estrutura jeolójiku sira ne'ebé iha potential ba akumulasaun idrokarbonetu. Imajen sízmiku ne'e mos bele utiliza hodi lokaliza didiak pozisaun ba perfurasaun mina manan ruma iha area refere. Atu apoiu ró espesializada sízmiku nian ba atividade ne'e, sei iha mos ró apoiu ida no ró eskoltu tolu hodi proteje ró espesializada no ninia ekipamentu sira iha tasi laran, asegura no fornese apoiu hodi fasilita loke dalan vó nian karik iha obstáculos ruma husi utilizadór tasi sira hanesan peskador sira, hodi prevene estragu sira relasiona ho fonte de onda, kabu reseptor sira no possibilidade estragu seluk hanesan kolizasaun ho ró seluk.
4. Tuir Dekretu Lei No. 39/2022 de 8 Juñu, primeira alterasaun ba Dekretu Lei No. 5/2011 de 9 Feveireiru kona-ba Lisensiamentu Ambientál, no Dekretu Lei No. 32/2016 de 17 Augustu kona ba Operasaun Petrolíferu sira iha Tasi Laran, projetu propoin klasifikadu hanesan projetu ho **Categoria B**, no tenki tuir prosedimentu avaliasaun ambientál, hanesan defini ona iha dekretu lei sira.
5. **Eni Timor 22-23 B. V.** tenki hala'o konsultásaun públika ba Esbosu Deklarasaun Impaktu Ambientál Simplifikada (DIAS) no Esbosu Planu Jestaun Ambientál (PJA) antes submete dokumentus refere ba *Autoridade Nacional do Petróleo* (ANP), hanesan Autoridade Ambientál ba iha setór mina no gás.
6. Esbosu Deklarasaun Impaktu Ambientál Simplifikada no Esbosu Planu Jestáun Ambientál disponibel ona ba konsultasaun públika.
7. Esbosu Deklarasaun Impaktu Ambientál Simplifikada no Esbosu Planu Jestáun Ambientál prontos ona ba públiku atu halo análise, durante oras serbisu, no gratuita, iha enderesu tuir mai ne'e:

- **Autoridade Nacional do Petróleo (ANP)**


City 8 Compound, Rua Has-Laran, Aldeia Fomento, Suco Comoro, Dili, Timor-Leste

Website for public consultation: <https://www.anp.tl/public-consultation-draft-seis-and-emp-for-psc-tl-so-22-23/>

- **Eni Timor 22-23 B. V.**

Edifisiu Eni lokaliza iha Avenida 20 de Maio, No. 9, Colmera, Dili, Timor-Leste

Scan QR Code



8. Esbosu Deklarasaun Impaktu Ambientál Simplifikada no Esbosu Planu Jestáun Ambientál mos disponibel fora husi oras serbisu (17:00 – 18:00) iha edifisiu Eni lokaliza iha Avenida 20 de Maio, No. 9, Colmera, Dili, Timor-Leste. Bele kontaktu resepsaun Eni nian +670 330 4000 hodi organiza asesu ba dokumentu sira ne'e fora husi oras serbisu (17:00 – 18:00).
9. **Eni Timor 22-23 B. V.** sei la halo kobransa ba pesoal ruma ne'ebé rekere kópia husi dokumentu sira ne'e ou parte balu husi dokumentu sira ne'e.
10. Enkontru públiku sei hala'o iha loron 9 fulan Maio tinan 2025, hahu husi oras 08:00 dader to'o tuku 15:00 lokraik iha Maubara Room-Timor Plaza, Dili, Timor-Leste hodi deskuti Esbosu Deklarasaun Impaktu Ambientál Simplifikada no Esbosu Planu Jestáun Ambientál no ba proponente, **Eni Timor 22-23 B. V.** atu simu komentáriu no opiniaun sira husi públiku.
11. Ema hotu iha diretu atu análize no halo komentáriu ba Esbosu Deklarasaun Impaktu Ambientál Simplifikada no Esbosu Planu Jestáun Ambientál.
12. Kometáriu sira kona-ba Esbosu Deklarasaun Impaktu Ambientál Simplifikada no Esbosu Planu Jestáun Ambientál bele hakerek no dirije ba **Eni Timor 22-23 B. V.** nia edifisiu iha Avenida 20 de Maio, No. 9, Colmera, Dili, Timor-Leste ou liu husi email enjaus.info@eni.com.
13. Komentáriu sira hotu tenki submete ba **Eni Timor 22-23 B. V.** la liu husi loron 15 fulan Maio 2025.

Eni Timor 22-23 B. V.

2 de Maio 2025